

VII դԱՐԻ «ԱՇԽԱՐՀԱՑՈՒՅՑԻ» ՄԱՍԻՆ

Մ. Մ. ԽԱՉԱՏՐՅԱՆ

«Աշխարհացույցը» իր ժամանակի քարտեզագրական ու աշխարհագրական դիտելիքների կոմպլեքս է, որի քարտեզը ժամանակի ընթացքում, ինչպես նրկատել է ակադեմիկոս Ս. Երեմյանը, անհայտացել է, ճիշտ այնպես, ինչպես ոչնչացել են ու չեն հասել մինչև մեր օրերը աշխարհագրության հիմնադիր էրատոսթենեսի ու Պտղոմեոսի քարտեզները և Ռուսաստանի XVII դարի Մեծ Գծագիրը: Սակայն մնացել է Աշխարհացույցի տեքստային նկարագրությունը, որը կազմված է եղել այդ քարտեզի հիման վրա, նրա բովանդակությամբ, աշխարհագրական ուսումնասիրությունների և դուցն ուսուցման նպատակներով:

Աշխարհացույցի հեղինակը առաջին իսկ էջում խոսում է աշխարհի քարտեզը կազմելու եղանակների մասին: Նա գրում է. «Նրկրագնդի շափումները հնարավոր են դարձել ձանապարհորդության և նավաղնացության շնորհիվ»²: Այս սեղմ նախադասությամբ հայտնված է այն իրողությունը, որ ուղեծրային տիպի քարտեզները լայն տարածում էին գտել այդ ժամանակ և կազմվում էին «ձանապարհորդության» միջոցով: Այդ բառի տակ պետք է հասկանալ աշխարհագրական այնպիսի շափումներ, որոնք կատարվում էին հատուկ խմբերի կողմից և որոշում խոշոր մայրուղիների վրա գտնվող կայանների, քաղաքների ու այլ մանրամասների հեռավորությունները միմյանցից: Որպես սկզբնաղբյուր Աշխարհացույցի հեղինակը մատնանշել է բացառապես քարտեզագրական աշխատություններ³. դա ևս հիմք է տալիս պնդելու, որ Աշխարհացույցը քարտեզ է եղել:

Աշխարհացույցի ներածական մասում տրված են նաև քարտեզ կազմելու մաթեմատիկական հիմունքները՝ երկրադնդի մեծությունը, տերիտորիաների աշխարհագրական տեղադիրքերը, զուգահեռականներն ու միջօրեականները, նրանց մեկ աստիճանին համապատասխանող դժային երկարությունը, ինչպես նաև հայկական, պարսկական ու հռոմեական երկարության չափի միավորները: Աշխարհացույցում տրված են ցամաքամասերի, ծովերի ու կղզիների մակերեսները քարտեզագրական մանրամասնությամբ՝ նրանց ձգվածությունը աստիճաններով և աշխարհի բնակեցված մասի տարածումը լայնությամբ ու երկայնությամբ: Բացի այդ, Աշխարհացույցը հիշատակում է քարտեզագրական գործիքներ (աստրոլաբոն, ժամտղիտականն ու սկիթոն), որոնց միջոցով ժամանակին աշխարհագրական քարտեզներ կազմելիս կատարվել են շափումները:

¹ Աշխարհացույցի՝ քարտեզ լինելու մասին սուրաչին անգամ արտահայտվել է Յոզեֆ Մարկ-փարտը. տե՛ս նրա Eranšahr nach der Geographie des Ps. Moses Khorenaci (Berlin, 1901) աշխատությունը:

² «Армянская география VII века», издал К. П. Патканов, СПб. 1877, հայերեն տեքստ. էջ 1:

³ Աշխարհացույցի հեղինակը, իր մատնանշումի համաձայն, օգտագործել է Պապպոս Ալեքսանդրացու, Կոստանդին Անտիոքացու և Կոստանդինի աշխատությունները:

Աշխարհացույցի հեղինակը օվկիանոսի տարածման սահմանների մասին գրել է. «Ովկիանոս դառնալ ընդ հիւսիսի յարեւելս մինչև ի վաթսուն մասն երկայնութիւն, որ է հանդէպ Կարկինիտեան ծոցին Պոնտոսի առ Քեոսոնիւ»⁴։ Այսպիսի մանրամասն նկարագրութիւնը կարող էր տրվել միայն քարտեզի առկայութեան դեպքում, նրա անմիջական դիտումների հիման վրա։

Պետք է նկատի ունենալ, որ հին դարերում աշխարհագրութիւնը հասկացվել է որպէս ամբողջ աշխարհի մանրամասն գծագիրը՝ քարտեզը։ Նրա իմաստը այդպէս է ընկալել առաջին աշխարհագետ էրատոսթենեսը։ Անաքսիմանդրը և Հեկատեոսը, որոնք զբաղվել են աշխարհագրութեամբ, առաջին հերթին կազմել են ամբողջ աշխարհի քարտեզը։ Պտղոմեոսը նախօրոք կազմած քարտեզի հիման վրա է շարադրել իր «Աշխարհագրական ձեռնարկը»։ «Աշխարհագրութիւնը, — գրել է Պտղոմեոսը, — ներկայումս բոլորին հայտնի ամբողջ աշխարհի գծագիր պատկերն է, որը ներկայացնում է հատկապէս նրան (աշխարհին) վերաբերող բոլոր մանրամասները։ Այդ (գծագիրը) հնարավորութիւն է ունենում դիտելու ամբողջ աշխարհը մեկ նկարի վրա ճիշտ այնպէս, ինչպէս կարող ենք դիտել անմիջականորեն ամբողջ երկինքը, նրա աստղային համակարգութիւնների հետ համատեղ մեր գլխավերևում, պտույտի ընթացքում»⁵։ Այս, ինչպէս և էրատոսթենեսի բնորոշումը, թե՛ «աշխարհագրութիւնը ամբողջ աշխարհի գրաֆիկ պատկերումն է» հաստատում են, որ հին ժամանակներում աշխարհագրութիւնը հասկացվել է որպէս երկրագնդի գծային պատկեր՝ քարտեզ։ Պետք է նկատի ունենալ նաև, որ «գեոգրաֆիա» տերմինը հնում նշանակում էր երկրագնդի պատկերը։ Անտիկ շրջանում և նրանից հետո, մինչև միջին դարերը, աշխարհագրութիւնից տարբերել են խորոգրաֆիան (Χωρογραφία οὐχὺμενίτι), որը «ոչ մի կարիք չունի մաթեմատիկական եղանակների — դրել է Պտղոմեոսը — և երկրագրութեան կարևոր դոգծոնն է. խորոգրաֆիայի նպատակն է տալ առանձին երկրամասի (բնաշխարհի) մանրամասն նկարագրութիւնը»⁶։

Աշխարհացույցի հեղինակը իր քարտեզի մաթեմատիկական տարրերն ու նրան վերաբերող այլ կարևոր մանրամասներ շարադրելուց հետո, նախքան բնաշխարհներ նկարագրելը, նշում է, որ այժմ ձեռնարկելու է նկարագրութեան՝ «աշխարհ առ աշխարհ առանձին, ըստ Պապպոս Ալեքսանդրացու տեղագրական նկարագրութեան»⁸։ Աշխարհացույցի հեղինակի այս բացատրութիւնից երևում է, որ սխալվում են այն ուսումնասիրողները, որոնք կարծում են, թե Աշխարհացույցը տարբեր երկրների քարտեզների հավաքածու է⁹։ Աշխարհացույցը միայն աշխարհի քարտեզ է ունեցել, իսկ բնաշխարհները տրված են տեքստով։ Աշխարհացույցի հեղինակը քարտեզագրական հասկացողութիւններ շարագրելիս ունեցել է իր կազմած աշխարհի քարտեզը, մինչդեռ բնաշխարհների (սֆրագիդներ՝ ըստ էրատոսթենեսի) նկարագրութեան համար օգտագործել է

⁴ «Армянская география VII века», էջ 5։

⁵ Տե՛ս Յ. Կուլակովսկի, Карта Европейской Сарматии по Птоломею, Киев, 1899, էջ 9։


⁶ Տե՛ս Ի. Յ. Կրաչկովսկի, Избранные сочинения, 1957, т. IV, էջ 79։

⁷ К л а в д и й П т о л о м е й, Руководство по географии, перевод К. Апта, «Античная География», 14, 1953, էջ 288։

⁸ «Армянская география VII века», էջ 7։

⁹ Տե՛ս Ս. Ս. Երեմյան, Հայաստանը ըստ «Աշխարհացույցի», Երևան, 1963, էջ 12։

ГЕОГРАФИЯ
ГОРНАНДА
и
МОИСЕЯ ХОРЕНСКАГО
AN 420 TUDU III P. X.
GEOGRAPHIE
de
JORNANDES
et
MOYSE de KHORENE
Année de l'Ère Chrétienne 420.



Պապականության հռոմեական իշխանությունը, որ քարտեզներ չի ունեցել:

Եվրոպայի բնաշխարհների նկարագրության սկզբում Աշխարհացույցի հեղինակը զգուշացնում է, որ մի կողմ է թողնում այն բոլորը, ինչ վերաբերում է թվերին, չափումներին և այդ կարգի այլ մանրամասնություններին. «Եւ արդ որովհետեւ բովանդակեցաք զհասարակախօսութիւն, այսուհետեւ սկսցուք պատմել աշխարհ աշխարհ առանձինն ըստ գրիցն տեղագրութեանց Պապայ Աղեքսանդրացոյ», և ապա շարունակում՝ «թողլով ի բաց զթիւս և զչափս և զմանրամասնաբար պատմութիւնս»¹⁰: Այդ նշանակում է, որ նա մտադրություն չունի առանձին բնաշխարհների մասին քարտեզագրական տվյալներ հաղորդել, որովհետեւ առանձին բնաշխարհների համար քարտեզներ չի կազմել: Այս հանգամանքը ևս վկայում է, որ հետեւելով քարտեզագրական ավանդական սովորույթին, նախքան տեքստի շարադրումը նա սկզբում կազմել է ամբողջ աշխարհի քարտեզը (որը մեզ չի հասել), իսկ առանձին բնաշխարհների (սֆրագիդների) համար քարտեզներ չի կազմել:

Հայ քարտեզագետը, հասկանալի պատճառներով, առանձնակի ուշադրություն է շարադրել Հայաստանի, Վրաստանի, Ադվանքի և Պարսկաստանի բնաշխարհների բազմաթիվ մանրամասները: Հայրենի երկրի մասին բազմակողմանի ու մանրակրկիտ տեղեկություններ հաղորդելու համար նա անհրաժեշտ է համարել «պտրտել գրքերում և լրացուցիչ աշխատանք կատարել քարտեզների վրա»¹¹: Եթե Աշխարհացույցի հեղինակը նախօրոք կազմած ունենար բոլոր սֆրագիդների ու երկրամասերի առանձին քարտեզները, ապա հավաքած կլինեին աշխարհագրական ու քարտեզագրական անհրաժեշտ բոլոր տեղեկություններն ու տվյալները, հետեւապես տեքստը շարադրելիս կարիք չէր զգա լրացուցիչ նյութեր հավաքելու և առհասարակ որևէ լրացուցիչ աշխատանք կատարելու գրքերի ու քարտեզների վրա:

Աշխարհացույցի՝ աշխարհի քարտեզ լինելը հաստատվում է նաև մի այլ փաստով: Գոյություն ունի քարտեզի մի էստամպ¹², որը կազմված է 1810 թ.: Մերա ֆրանսիացի հեղինակի բացատրությամբ այդ քարտեզը վերծանված է VII դարի Աշխարհացույցի նկարագրական տեքստի հիման վրա: Քարտեզի բնագիրն ու բացատրագիրը թարգմանվել ու հրատարակվել են նաև Պետերբուրգում 1823 թ. ուսերեն: Նկատի ունենալով, որ մինչև XIX դարի վերջերը Աշխարհացույցը վերագրվել է Մովսես հորենացուն, ֆրանսիացի քարտեզագետը Աշխարհացույցի հեղինակ է համարել Մովսես հորենացուն:

Որ մեզ հասած Աշխարհացույցը շարադրված է քարտեզի հիման վրա, ապացուցվում է մի շարք փաստերով: Աշխարհացույցում գրված է, որ «օվկիանոսը սկսվում է հողմ զեփյուր երկրից՝ Թեոքիմաց լեռան մոտից, որի վրայով տարված է 21° երկայնության միջօրեականը»¹³: Այդ նկարագրությունը լրացված է այսպիսի մանրամասնությամբ՝ «օվկիանոսը տարածվում է դեպի հյուսիսարևելք՝ մինչև 60° երկայնությունը»¹⁴: Քարտեզագրական այդպիսի ճշգրիտ

¹⁰ «Армянская география VII века», էջ 7, 8:

¹¹ Նույն տեղում, էջ 17:

¹² Տե՛ս Jean Potocki, Geographie de l'orient et Moyese de Khorene. Annes de l'Ere Chrestienne 550.

¹³ «Армянская география VII века», էջ 5:

¹⁴ Նույն տեղում:

նկարագրության համար հեղինակը պետք է որ ունեցած լինի մանրամասն քարտեզ, որովհետև առանց նախօրոք պատրաստված քարտեզի անհնար է երկիրը բաժանել յոթ նահանգների (կլիմայական դոտինների), դժագրել ղուգահեռականները և նշել կլիմաների ընդգրկած բնակավայրերն ու այլ մանրամասներ, նկարագրել օվկիանոսի սահմանները, առավել ևս՝ ցամաքի տեղադիրքը միջօրեականի նկատմամբ: Սակայն բոլոր վիաստերը վկայում են, որ Աշխարհացույցի հեղինակը չի օգտվել Պտղոմեոսի, Կոստառիցի, Աղաթագեմոնի և Պապպոս Ալեքսանդրացու ֆալսեգներից:

Աշխարհացույցի աշխարհագրական նկարագրությունները, որտեղ հատկապես շեշտված են առանձին երկրամասերի ու օվկիանոսների սահմանագրերն ու տեղադիրքերը, մեծ մասամբ շաղկապված են քարտեզի աշխարհագրական ցանցի՝ ղուգահեռականների ու միջօրեականների հետ: Այդ նկարագրությունները առանձնակի հետաքրքրություն են ներկայացնում, որովհետև պարզորոշում են Աշխարհացույց քարտեզի նաև պրոեկցիան: Աշխարհացույցի հեղինակը երկրագնդի առանձին աշխարհամասերն ու ցամաքները քարտեզագրական այնպիսի մանրամասնությամբ է նկարագրել, որ դյուրությամբ կարելի է վերծանել նրա քարտեզը և զաղափար կաշմել այդ քարտեզի պրոեկցիայի մասին:

Պտղոմեոսը ժամանակին ասել է, որ աշխարհի քարտեզը պետք է կազմել սֆերիկ, այսինքն Մարինոսի վերափոխված պրոեկցիայով, որի և՛ միջօրեականները, և՛ ղուգահեռականները լինելու են կոր գծեր, որովհետև հասարակ կոնային պրոեկցիայով կազմված աշխարհի քարտեզը լրիվ կերպով չի կարող ընդգծել երկրագնդի կորընթարդ տեսքը:


Աշխարհացույցի տեքստի մանրակրկիտ ուսումնասիրությունը հաստատում է, որ նրա հեղինակը աշխարհի քարտեզի պրոեկցիայի համար չի օգտագործել ինչպես էրատոսթենեսի՝ միմյանց փոխադարձաբար ուղղահայաց գծերից բաղկացած աստիճանացանցը, այնպես էլ Պտղոմեոսի հասարակ կոնային պրոեկցիան: Բնաշխարհների նկարագրությունների և քարտեզագրական ցանցի նկատմամբ նրանց փոխադարձ դասավորության ուսումնասիրությունից աներկբայորեն հետևում է, որ Աշխարհացույցի պրոեկցիան եղել է կեղծ կոնայինը, որի քարտեզի և՛ միջօրեականները, և՛ ղուգահեռականները կորագիծ են: Այսպես, Աշխարհացույցի տեքստում նշվում է, որ քարտեզի վրա «Իսպանիան ունի եռանկյան տեսք», որ Բրիտանական աշխարհի «արևմտյան մասում Իբեռնիա անունը կրող կղզին ջնջխված դարեհատի տեսք ունի», իսկ նրա «Ալվիոն մյուս կղզին, որ արևմտյանից ավելի մեծ է, տիրուկի տեսք ունի և ճյուղավոր է»¹⁵: Քարտեզի վրա այդ տերիտորիաների նման տեսքը հատուկ է միայն կեղծ կոնային պրոեկցիային:

Քարտեզի մասնագիտական բնորոշ հատկանիշները, որոնք ընդգծում են նրա գիտական մակարդակը, հայտնի են եղել Աշխարհացույցի հեղինակին, այդ մասին նա գրել է. «Բոլոր երկարությունները ոչ թե երկրագնդի մակերևւթով կատարված անմիջական չափումներից ևն ստացված, այլ օդի միջով՝ համապատասխան գործիքներով դիտարկելու շնորհիվ (էջ 3)»: Քարտեզագրության դասական այն եղանակները, որ մշակել ու կիրառել է երկրորդ դարի ա-

¹⁵ Նույն տեղում, էջ 8:

ՔՐԻՏԻՍ

ՊՏՆՈՄԷՈՍԻ



կանավոր գիտնական Պտղոմեոսը, պահպանվել ու հետագա զարգացում են ստացել միայն Աշխարհացույցի սեջ:

Հետևելով էրատոսթենեսի սֆրագիզների տեսությանը, Աշխարհացույցի հեղինակը յուրաքանչյուր բնաշխարհ (սֆրագիզ) նկարագրել է իր աշխարհագրական դիրքով՝ սահմանների երկարությամբ ու լայնությամբ, նշելով ունեֆր, չրագրությունը և բնական ռեսուրսները, ինչպես նաև այնտեղ ապրող ժողովուրդները: Այդ ամենի հիման վրա մեզ վերականգնած Աշխարհացույց թարտեգի վրա միջօրեականներ ցույց են տրված այն թանակով և տեղադիրքով. որ գծված էին էրատոսթենեսի թարտեգի վրա:

Թարտեգի ինքնուրույնությունը սովորաբար հաստատում են թարտեգագրական տարբերիչ հետևյալ հատկանիշները՝ թարտեգի պրոեկցիան, մանրամասների տեղադիրքի աշխարհագրական կոորդինատները, թարտեգագրական ցանցի խտությունը, տեսքն ու բովանդակությունը: Մանրամասն ուսումնասիրությունը հաստատում է, որ այդ բոլոր հատկանիշները առկա են Աշխարհացույց թարտեգի վրա:

Հայաստանի և մերձակա երկրների աշխարհագրական այն նկարագրություններն ու տեղեկությունները, որոնք դրանցված են Աշխարհացույց թարտեգի վրա, քաղված են մեծ մասամբ հայ հեղինակների գործերից: Մի շարք կղզիների նկարագրությունները, նրանց լայնության, երկարության, ինչպես և պարագծի վերաբերյալ տվյալները վերցված են Պտղոմեոսից, Պլինիոսից, Սարինոս Թիրացուց, Ստրաբոնից և ուրիշներից: Աշխարհացույցի հեղինակը օգտագործել է Արիստոտելից մինչև Կոդմաս Հնդկաչուի ժամանակաշրջանը եղած բոլոր գիտնականների տեղեկությունները՝ համապատասխան ընտրությամբ և սրբագրությամբ: Մրգատեսականների տեղաբաշխման բաղաժնի վաստեր ընթերցանակված են Հերոդոտոսից, իսկ հոտավետ նյութերին՝ Ստրաբոնից: Ստրաբոնից է քաղված սպիտակ հողի հատկության ու օգտագործման վերաբերյալ տեղեկությունը: Մի շարք գետերի, լճերի ու այլ մանրամասների անունները քաղված են Փլավիոսից: Զնայած որ Բարեկունի և Արարիայի աշխարհագրական նկարագրությունները տրված են Պտղոմեոսի աշխատություններում, սակայն Աշխարհացույցի հեղինակը դրանք չի օգտագործել:

Աշխարհացույցի տեքստի և Պտղոմեոսի թարտեգների համեմատությունը բերում է այն եզրակացության, որ զա ինքնուրույն աշխատություն է և որ թարտեգագրական հարցերում նրա հեղինակը հետևում է իր սեփական տեսական տեսքին: Այդ հանգամանքը ակնհայտ դարձնելու նպատակով անհրաժեշտ է ուսումնասիրել թարտեգագրական մի քանի սկզբունքների կիրառման ինքնուրույնությունը աշխարհացույցում:

Աշխարհի թարտեգը գասական թարտեգագրության բոլոր ներկայացուցիչները պատկերել են այսպես կոչվող նահանգների (կլիմաների) միջոցով, որոնք հետագայում տեղի տվեցին գուգահեռականներին:

Աշխարհագրական կոորդինատներ առաջին անգամ որոշել է էվդոքս Կնիդացին, որը ընդունել է երկրի գնդաձևությունը: Էվդոքսը, ինչպես նաև Հերոդոտոսը, Դեմոկրիտն ու Հիպոկրատը երկիրը բաժանել են երեք կլիմայի: Արիստոտելը այս խնդրում պաշտպանել է էվդոքսի տեսակետը: Երկիրը գունդ է համարել նաև Դիկեարքոսը, որը նրա մակերևույթը բաժանել է երեք կլիմայի: Աշխարհագրության հիմնագիր էրատոսթենեսը երկիրը բաժանել է ութ կլիմա-գոտիների: Հիպարքոսը երկիրը բաժանել է 14 կլիմայի, Պոսիդոնիոսը՝ 13 կլի-

մայի: Աշխարհացույցի հեղինակը նպատակահարմար է գտել աշխարհը ներկայացնել միայն 7 նահանգների (կլիմաների) միջոցով¹⁶: Նրա նախընտրած այդ սխեմանը չի համընկնում ինչպես էրատոսթենեսի, նույնպես և Պտղոմեոսի և այլոց քարտեզների աշխարհագրական ցանցի հետ: Այսպես, եթե Դնեպրի գետաբերանի վրայով էրատոսթենեսը գծել է 45° 35' ութերորդ նահանգը (ամառվա ամենաերկար օրվա 16 ժամ տևողություն ունեցող տերիտորիաների համար), իսկ Պտղոմեոսը այդ կլիման գծել է տասնհինգերորդ դուգահեռականով՝ Բորիսֆեն անվամբ (14 ժամ 50 րոպե տևողությամբ), ապա Աշխարհացույցը այն տվել է որպես յոթերորդ նահանգ (15 ժամ 30 րոպե տևողությամբ)¹⁷ Սկիզբի առնումով: Դա նշանակում է, որ Աշխարհացույցի քարտեզագրական ցանցը տարբերվում է իրեն ժամանակակից հայտնի ցանցերից ոչ միայն անվամբ, այլև օրվա տևողությամբ ու համարակալման հաջորդականությամբ, ինչպես նաև նահանգների քանակով: Աշխարհացույցի հեղինակը անհրաժեշտ մեթոդատիկական հաշվարկումներ է կատարել և նախընտրել է զոնաների նոր ստորաբաժանում: Ինչպես տեսնում ենք, Աշխարհացույցի հեղինակը կիրառել է նորը և խուսափել է հնի ընդօրինակումից:

Քարտեզի ինքնուրույնությունը հաստատող ամենակարևոր ապացույցն է, ինչպես ասացինք, քարտեզի պրոեկցիան, որովհետև նրա վրա ներկայացվելիք աշխարհագրական բոլոր մանրամասների զրույթած դիրքն ու համապարփակ տեսքը բնորոշվում են բացառապես այդ պրոեկցիայի էությամբ: Ամբողջ աշխարհի քարտեզագրական պատկերման համար կեղծ կոնային պրոեկցիան առաջին անգամ օգտագործել է Աշխարհացույցի հեղինակը¹⁸:

Աշխարհի այն քարտեզը, որ հրապարակել է վերջերս ակադ. Ս. Երեմյանը¹⁹, վերնագրի համաձայն ներկայացնում է Պտղոմեոսի քարտեզը և կաղմբված է նրա համառոտագրված տեքստի հիման վրա, սակայն քարտեզի հարավարևմտյան անկյունում տրված մակագրության համաձայն այդ քարտեզը «վերակաղմբված է ըստ Աշխարհացույցի»: Այսպիսով, դրաֆիկայի միջոցով ընդգծվում է, որ Աշխարհացույցը հանդիսանում է Պտղոմեոսի քարտեզի համառոտագրված ընդօրինակությունը: Բայց այդ քարտեզի համար օգտագործված է մի պրոեկցիա, որը ոչ Պտղոմեոսինն է, ոչ էլ Աշխարհացույցինը ու անհայտ է քարտեզագետներին: Պտղոմեոսի քարտեզի պրոեկցիան հասարակ կոնայինն է, որի միջօրեականները կաղմբված են ուղիղ գծերից, Աշխարհացույցի պրոեկցիան կեղծ կոնայինն է, որի միջօրեականները շրջագծային աղեղներ են առանց հասարակածում բեկվելու: Ակադ. Երեմյանի այս քարտեզը կաղմբված է հիշյալ երկու պրոեկցիաների խառնուրդով և քարտեզ անունը կրել չի կարող:

Աշխարհացույցն ուսումնասիրող գիտնականները քարտեզագրական վերլուծումներ չեն կատարել, այլ անդրադարձել են նրան հայ ժողովրդի պատմության և նրա հասարակական մտքի զարգացման որոշ հարցերի ուսումնասիրության կապակցությամբ: Դրա հետևանքով նրանցից ոմանք եզրակացրել են, թե, օրինակ, «նորենացու իշանավոր երկասիրությունը իր աշխարհագրությունն է, ավելի թարգմանություն՝ քան թե ինքնադիր երկասիրություն է, վասն զի

¹⁶ Երկրի մակերևութի կլիմաների են բաժանել միայն այն հեղինակները, որոնք ընդունել են նրա ղեկավարությունը:

¹⁷ Այդ պրոեկցիան ուրիշ գիտնականների կողմից օգտագործվել է շատ ուշ ժամանակներում՝ միայն XV դարում:

¹⁸ Տե՛ս «Լրաբեր» հասարակական գիտությունների, 1968, № 5, էջ 43:

ընդհանրապես Պապա Ալեքսանդրացու և Պտղոմեոսի համանուն դրվածքների համառոտ քաղվածքն է»¹⁹, կամ որ Աշխարհացույցում «աշխարհագրական և մղոնաչափական շահավետ տեղեկություններ թարգմանված կերևին հույն աշխարհագրեն Պտղոմեա»²⁰: Աշխարհացույցը ֆրանսերեն թարգմանող Ա. Սուբրյանը համարել այն Պտղոմեոսի երկի մի ընդօրինակությունը²¹: Առանց բնագրերի քարտեզագիտական համեմատության, գերմանացի գիտնական Ֆիշերը ևս նույն կարծիքն է հայտնում²²:

Հայտնի է, որ Պտղոմեոսից հետո մինչև XV դարը ցամաքների, ծովերի ու աշխարհագրական այլ մանրամասների տեղադրության շափումներ ու ձշտումներ չեն կատարվել. անգամ մեծ հայտնագործությունների նախօրեին՝ XV դարում, բոլոր ճանապարհորդները օգտվել են Պտղոմեոսի տեղեկություններից, որոնք անտիկ աշխարհի գիտելիքների հանրագումարն էին ներկայացնում: Աշխարհացույցը քննարկելիս ուշադրությունը չպետք է կենտրոնացնել ցամաքների կամ ծովերի եզրագծերի վրա. դրանք միջնադարի և ոչ մի քարտեզի վրա այլ գծագրությամբ հանդես գալ չէին կարող: Հետագա հինգ դարերի ընթացքում՝ քաղաքական խոշոր տեղաշարժերի, ցեղերի վերախմբավորման, աշխարհագրական նոր տեղաբաշխման ու նոր կենտրոնների ստեղծման հետևանքով, Պտղոմեոսի քարտեզների մանրամասները չէին կարող դրսևորել VII դարի իրադրությունը:

Աշխարհացույցի հեղինակը իր կազմած քարտեզում օգտագործել է անցյալում կատարված շափումների արդյունքները՝ բոլոր ցամաքների ու ծովերի եզրագծերը, լայնության, երկայնության տվյալներն ու աշխարհագրական այլ մանրամասները: Սակայն Աշխարհացույցի և Պտղոմեոսի քարտեզների այդ մանրամասների համեմատությունը չի կարող հիմք հանդիսանալ Աշխարհացույցի ինքնուրույնությունը կամ ընդօրինակություն լինելը հաստատելու համար:

Աշխարհացույցի բովանդակությունը, նրա հիմնական դրույթը քարտեզագրությունն է, հետևապես նրա քարտեզ լինելու և ինքնուրույնության հարցերը հետազոտելու համար պետք է քննարկվեն առաջին հերթին քարտեզագրության հարցերը:

Պտղոմեոսի «Աշխարհագրական ձեռնարկն» ունի հայերեն թարգմանություն. այն գտնվում է Մատենադարանում²³ և թարգմանված է ոչ թե Աշխարհացույցի հեղինակի կողմից, այլ մեկ ուրիշի: Պտղոմեոսի քարտեզներում աշխարհամասերն ու տերիտորիաները դրսևորված են քարտեզագրական որոշակի առանձնահատկություններով, նրանցից յուրաքանչյուրում հանդես են գալիս առանձին տերիտորիաների ինքնուրույն հատկանիշները: Մինչդեռ Աշխարհացույցը ամբողջ երկրագնդի ամփոփ և համառոտ նկարագիրն է՝ միայն մեկ

19 Գ. Չարպահանյան, Պատմություն հայկական տպագրության, Վենետիկ, 1895, էջ 267:

20 Բ. Սարգիսյան, Մայր ցուցակ հայերեն ձեռագրաց Մատենադարանի Մխիթարյան, Վենետիկ, հատ. Բ, էջ 595:

21 A. Soukry, Geographie de Moise de Corene d'après Ptolemée, Venise, 1861.

22 Տե՛ս I. Fischer, Pappus und die Ptolemaus karten Zischr d. Gesef Erdkunde, Berlin, 1919, էջ 337:

23 Տե՛ս Մատենադարանի 3965 ձեռագիրը, որ խ. վարդապետի 1624 թ. ընդօրինակությամբ է հասել մինչև մեր օրերը:

քարտեզի վրա, իսկ նրա առանձին հատվածները ունեն քարտեզագրական մանրամասների տարրեր բեռնվածություն:

Իրականության չի համապատասխանում այն կարծիքը, որ Աշխարհացույցի հեղինակը իր ձեռքի տակ ունեցել է ոչ միայն Պտղոմեոսի բնագիրը, այլև նրա կազմած քարտեզները²⁴: Պտղոմեոսի քարտեզները այդ ժամանակ արդեն գոյություն չունեին, իսկ Ազաթաղեմոնի վերծանած քարտեզի մասին, ինչպես նաև առհասարակ Պտղոմեոսի քարտեզների մասին, Աշխարհացույցում ոչ մի հիշատակություն չկա: Աշխարհացույցի՝ ինչպես պրոֆ. Պատկանյանի հրատարակած համառոտ, նույնպես և Ա. Սուքրյանի հրատարակած ընդարձակ տեքստերում ոչինչ չի ասված դրանց մասին:

Պրոֆ. Ա. Արրահամյանը գտնում է, որ Աշխարհացույցի հեղինակը օգտվել է Պտղոմեոսի աշխատություններից անմիջականորեն, որովհետև, ըստ Արրահամյանի, Մղոնաշափքի ձեռագրի ընծայականում նշված է Պտղոմեոսի անունը: Բայց Մղոնաշափքը առնչություն չունի Աշխարհացույցի հետ (այդ ապացույցված է վաղուց), իսկ այդ ընծայականում «Պտղոմեական»-ը «մղոնական» բառն է, որ աղավաղված է գրիչների կողմից²⁵: Բացի այդ, Աշխարհացույցի հեղինակը երեք անգամ նշել է (3, 5, 7 էջերում), որ ինքը միայն ծաղկաքաղ է արել Պապյոս Ալեքսանդրացու կողմից կատարած՝ Պտղոմեոսի աշխատության համառոտագրությունից. («Յորոյ ինքնագիր բոլորակին տիեզերագրութեանցն առեալ Պապայ Ալեքսանդրացույ համառոտաբար նրկրագրութեամբ, յորմէ մեր ծայրաքաղ արարեալ գրեցաք զմեծամեծսն և զնշանավորսն միայն»)²⁶: Մենք ոչ մի հիմք չունենք Աշխարհացույցի հեղինակին չհավատալու:

Հետազոտությունները հաստատում են, որ Աշխարհացույցում փոխառությունները այնքան էլ շատ չեն, ինչքան հնթադրվել է: Աշխարհացույցի ընդհանուր Ասիայի ստվառ մասի քարտեզագրական տվյալները նոր շարադրանք են. բնաշխարհներից Ոսորիան առաջացել է բյուզանդական Թեոդոս II կայսեր ժամանակ V դարի կեսերին, Պափուզոնիան և Առաջին Գաղաթիան կազմավորվել են IV դարի վերջերին, Լիկոնիան ու Պաղիմանական Պոնտոսը ստեղծվել են 371 թթ. Հռոմեական կայսրության արևելյան տիրակալ Վալենտի կարգադրությամբ, իսկ Մյուսիսը, Փոյուզիա և Լիպոնտոս բնաշխարհները Պտղոմեոսի ժամանակ որպես առանձին բնաշխարհներ առհասարակ գոյություն չեն ունեցել: Բոլորովին նոր տվյալների լուսաբանությամբ են շարադրված Բարելոնը և Ներքին Եթովպիան: Հայաստանի, Աղվանքի, Վիրքի և Պարսքի տերիտորիաների այն մանրամասն պատկերացումը, որ առկա է Աշխարհացույցում, առհասարակ գոյություն չի ունեցել Պտղոմեոսի մոտ: Նրկրորդ դարից մինչև VI դարը պատմական, աշխարհագրական ու տնտեսական իրադրությունների ու խոշոր քաղաքական տեղաշարժերի պայմաններում Պտղոմեոսի քարտեզագրական նյութերը հնացած էին և չէին համապատասխանում ժամանակակից իրականությանը: Աշխարհացույցը դրանք չի օգտագործել:

Այս բոլոր փաստերը վկայում են, որ Աշխարհացույցը ինքնուրույն աշխատություն է, ուր հաշվի են առնված Պտղոմեոսից հետո տեղի ունեցած բոլոր փոփոխությունները:

²⁴ Տե՛ս Մ. Խ. Խաչատրյան, Հայաստանը ըստ «Աշխարհացույցի», էջ 11:

²⁵ Տե՛ս Մ. Մ. Խաչատրյան, Հռոմեական Աշխարհաքարտեզը և Հայկական Մղոնաշափքը, «Բնագիտության և տեխնիկայի պատմությունը Հայաստանում», 1967, № 4, էջ 111:

²⁶ «Армянская география VII века», էջ 3:

Անհրաժեշտ է նկատի ունենալ նաև այն հանգամանքը, որ մի խումբ աղանալոր քարտեզագետներ, լեռ Բագրովի գլխավորությամբ, ժխտել են, որ Պտղոմեոսը առհասարակ քարտեզներ է կազմել իր «Աշխարհագրության ձեռնարկի» շարադրանքի հիման վրա և հաստատել են, որ քարտեզները կազմված են հետագա տարիներին՝ ըստ Պտղոմեոսի տվյալների: Նրանք մասնավորապես հիմնավորում են այն դրույթը, որ այդ քարտեզները գծվել են IV դարում՝ Ագաթանգեոսի կողմից²⁷:

Գիտնականների երկրորդ խումբը, Բ. Ֆիշերի գլխավորությամբ, հակառակ տեսակետի է. վկայակոչելով որոշ հայ բանասերների ոչ ճիշտ տեղեկությունները, նրանք պնդում են, որ Աշխարհագրության հեղինակը հիշատակել է Պտղոմեոսի կողմից կազմված քարտեզներից օգտվելու մասին: Սակայն Աշխարհագրության տեքստում այդպիսի վարկած չի շարադրված և նրա հեղինակը Պտղոմեոսի աշխատություններից ու քարտեզներից անմիջականորեն չի օգտվել:

* * *

Ինչպես հայտնի է, պրոֆ. Բ. Պատկանյանը 1877 թ. Աշխարհագրության ուսերեն իր Թարգմանության առաջաբանում զարգացրեց այն տեսակետը, որ Աշխարհագրությունը VII դարի գործ է, իսկ նրա հեղինակը կարող է լինել Անանիա Շիրակացին, նկատի ունենալով այդ հեղինակի տիեզերագիտական և մաթեմատիկական գիտելիքները:

Չեխ քարտեզագետ Հանս Մոսկեր, հենվելով մի շարք հայ ուսումնասիրողների աշխատությունների վրա, դեռևս 1933 թ. Աշխարհագրություն ու Տիեզերագիտությունը համարել է միևնույն հեղինակի գործեր, սակայն նրանց մեջ եղած միմյանց հակասող տեսակետները նրան այն եզրակացության են բերել, որ Անանիա Շիրակացին հեղհեղուկ, հակասական տեսակետների տեր հեղինակ է:

«Տիեզերագիտության» տեսակետները քննարկելիս Վ. Չալոյանը գտնում է, որ «Անանիա Շիրակացու հայացքները ձևակերպվել են քրիստոնեական, աստվածաբանական գաղափարների ազդեցության ներքո, և ինչպես Սուրբ գիրքը, այնպես էլ քրիստոնեական եկեղեցու ջատագովների գլխավորությունը նրա համար ունեցել են որոշակի հեղինակություն»²⁸: Բայց երբ նա անդրադառնում է «Աշխարհագրության» տեսակետներին, որ դարձյալ Անանիա Շիրակացու գրչին է վերագրում, այս անգամ հակառակ եզրակացության է հանգում, գրելով. «Վերլուծությունը հաստատում է, որ իր մտածելակերպով Անանիա Շիրակացին պատկանում է հայկական ուղ հելլենիստական դպրոցին», ապա պարզաբանում է, որ «հայ եկեղեցու հայրերը չէին հանդուրժում Անանիա Շիրակացու՝ երկրի կառուցվածքին ու բնությանը վերաբերող գիտությունը, որովհետև բազմաթիվ դեպքերում հակառակ էին Սուրբ գրքին»²⁹, որ նա չէր կարող «որոշ չափով չհարել դիալեկտիկական մտածելակերպին ու չընկալել բնության դիալեկտիկայի տարրերը»³⁰:

Ն. Պիգուլևսկայան, որ նկատի ունի բացառապես Տիեզերագիտության

²⁷ Տե՛ս R. A. Skelton, History of Cartography, N. Y., 1964.

²⁸ Տե՛ս «Հանդես ամսօրյա», Վենետիկ, 1933, էջ 281, 511 և 583:

²⁹ В. К. Чалоян, История армянской философии. Ереван, 1959, էջ 139—140:

³⁰ В. К. Чалоян, Естественные-научные воззрения Анания Ширакаци. «Византийский временник», т. XII, էջ 158:

³¹ Նույն տեղում, էջ 159:

տեսակետները, այն համոզման է, որ «Անանիա Շիրակացին արտահայտել է Կողմաս շնորհալուի գաղափարները, որոնք զարգացնում էին կղերական հայացքներ ու բարձրացնում Սուրբ գրքի հեղինակությունը»³²։

Տիեզերագիտությունն ու Աշխարհացույցը որպես միևնույն հեղինակի աշխատություններ համարող Գ. Խրլոպյանը, Անանիա Շիրակացու աշխարհայացքը քննարկելիս նկատի ունենալով Աշխարհացույցը, եզրակացնում է, որ Շիրակացին «շատ հարցերում շեղվել է եկեղեցու ընդունած ուղղափառ դժից և ինքը դարձել է ոչ կրոնական, հակակեղեցական բնափիլիսոփայական հոսանքի հիմնադիրներից մեկը», մինչդեռ Տիեզերագիտությունն ուսումնասիրելիս պնդում է, թե «հարկ է նշել, որ օգերևութաբանական հարցերում Շիրակացու մոտ ավելի զգալի է թելեոլոգիական սկզբունքը»³³։

Անանիա Շիրակացու Տիեզերագիտությունը ռուսերեն թարգմանողներ Ս. Արևշատյանը և Բ. Դավթյանը գրքի ներածականում գրում են, որ «Անանիա Շիրակացին գտնվում է իդեալիստական դիրքերում. փիլիսոփայական հիմնական հարցը նա վճռում է որպես քրիստոնյա մտածող»։ Բայց շարունակելով ուսումնասիրությունը, այս անգամ արդեն Աշխարհացույցում արտահայտված հայացքների շրջանակում, նրանք հանդում են նոր եզրակացության. «Անանիա Շիրակացին առավել կարևոր հարցերում հելլենական ուսմունքի հետևորդ է և միայն աննշան տուրք է տվել քրիստոնեական տիեզերաբանությանը»։ Թարգմանիչները այնուամենայնիվ նկատելով այդ երկու աշխատությունների ակնհայտ հակասությունները, անհրաժեշտ են համարել գրանք որևէ կերպ բացատրել և հարմար են համարել ասել, թե «այդպիսի հակասական տեսակետների պատճառը նրանումն է, որ Տիեզերագիտությունը, գրված լինելով ուսուցման նպատակներով, որոշ մասերում կոմպիլյատիվ բնույթ է կրում»³⁴։ Բայց թարգմանիչները նույն ներածականում ժխտել են իրենց իսկ առաջ քաշած այդ թեզը, պնդելով, որ «Շիրակացին ծանոթացնելով ընթերցողին գիտական աշխարհի համարյա բոլոր տիեզերագիտական տեսակետներին, միշտ ընդգծել է իր վերաբերմունքը՝ ընդունելիս կիրառել է ընկալման յուրահատուկ մոտեցում, իսկ մերժելիս այն ենթարկել է խիստ քննադատության»³⁵։

Աշխարհացույցի և Տիեզերագիտության մեջ արտահայտված հայացքների ուսումնասիրությունը մեկ բերում է այն եզրակացության, որ Աշխարհացույցի հեղինակը չէր կարող Անանիա Նյուակացին լինել, որովհետև Տիեզերագիտության և Աշխարհացույցի տեսակետները սկզբունքային մի շարք հարցերում (փիլիսոփայական, տիեզերագիտական, բուրսեղսագրական) տրամադծուրեն հակառակ են՝ միմյանց ժխտող ու հակադրող։

Այդ հակասությունների մասին ժամանակին գրվել է։ Դրանցից և մի շարք ուրիշ փաստերից ելնելով ակադ. Հ. Մանանդյանը Աշխարհացույցը համարում է 1X դարում Խորենացու գրած աշխատությունը ժամանակագրական այդ տեսակետը պաշտպանել են Յ. Մարկվարտը, Սեն Մարտենը, Վիստոն եղբայրները և Կիպերտը։ Պատմաբան Ի. Ֆիշերը, չեխ գիտնական Մժիկը և Արսեն Սուրբյանը Աշխարհացույցը համարել են Պտղոմեոսի աշխատության մի ընդ-

³² Н. Пигулевская, Византия на путях в Индию, М., 1951, էջ 157։


³³ Տե՛ս Գ. Խրլոպյան, Անանիա Շիրակացու աշխարհայացքը, Երևան, 1964, էջ 524, 145 և 170։

³⁴ Анания Ширакци, Космография, Ереван, 1962, էջ 10, 15 և 16։

³⁵ Նույն տեղում, էջ 11։

ԱՇԽԱՐՀԱՅՈՅՑ

Վերականգնված է VII դարի Աշխարհայրյայի
համառոտ և բնագրական ձևերի հիման վրա:



օրինակությունը: Այդ հակասություններից ելնելով, մի շարք գիտնականներ (այդ թվում նաև ակադ. Ս. Երևմյանը) այն կարծիքին են, որ Աշխարհացույցը չի պատկանում Անանիա Շիրակացու գրչին, մինչդեռ պրոֆ. Ա. Աբրահամյանը և պրոֆ. Թ. Հակոբյանը աներկբայորեն պնդում են, որ Աշխարհացույցի հեղինակն է Անանիա Շիրակացին:

Վերոհիշյալ բոլոր հեղինակները հաբկ եղած ուշադրություն չեն դարձրել Աշխարհացույցի հետ կապված հարցերի քարտեզագրական ու տիեզերագիտական լուսաբանության վրա, ուստի մենք անհրաժեշտ ենք համարում ստորև անդրադառնալ դրանց նաև այդ տեսակետներից:

1. Ուսումնասիրելիք նյութի աղբյուրների հարցը

Աշխարհացույցի հեղինակը Աստվածաշնչում չգտնելով երկրագիտության վերաբերյալ որևէ հիմնավոր բան, բացառությամբ հազվագյուտ, այն էլ ցրված ու դժվարահաս, մութ տեղեկությունների, դիմել է հեթանոս հեղինակներին. «Յաղագս աշխարհագրութեան յաստուածային գիրս ոչ ուրեք գտանեմք ոճով ասացեալ, այլ դոյզն ինչ դուն ուրեք, և այն դժուարահաս և տաժանելի: Արդ վասն զի անհասք դոցա եղեալ մեր յարտաքինսն հարկաւորիմք ձեռնարկել» (էջ 1)³⁶: Դա նշանակում է, որ Աշխարհացույցի հեղինակն ընդունում է անտիկ աշխարհագրության դրույթները. Աստվածաշնչում շարադրված աշխարհագրական տեղեկությունները, ինչպես տեսնում ենք, նրա կարծիքով զուրկ են բավարար հիմունքներից: Բերելով Աստվածաշնչից քաղվածք այն մասին, որ «բավական է աստծո հրամանը, որ ջրերը պահվեն իրենց ափերում, առանց ցամաքի կարիքը զգալու», Աշխարհացույցի հեղինակը նկատում է. «Մեր որպես անհաս եղեալ մեծութեան՝ լռեմք, և դրեմք զայս միայն զոր կոխեաց ոտն կամ ետես ակն մարդոյ» (էջ 5):

Անանիա Շիրակացին Տիեզերագիտության մեջ գտնում է, որ սկզբում պետք է հերքել հեթանոս գիտնականներին և հետո միայն դիմել եկեղեցական հայրերի ուսմունքին. հեթանոս գիտությունից սովորել միայն այն, ինչ թույլ է տալիս Պողոս առաքյալը և դուրս նետել հեթանոս, խելառ գիտնականների ցնորամիտ ճառերը, որոնք չցանկացան ճանաչել աստծուն և ամբողջ էության ծագման պատճառ հռչակեցին ատումն ու մատերիան. «Ջիսօստացեալսն մեր հատուցուք զբան՝ յարտաքնոցն առեալ զաւարկութիւն որպես զի յետոյ յեկեղեցականն ելեալ մեր գեղեցիկ հետեւսցի շարադասեալ ընդունակք: Զի ն օրինակն այսպես և ճշմարտութիւն կարգաւորեցաւ: Արդ ես կամիմ ուսանիլ յարտաքնոցն յայնցան է, ուստի Պողոս ինձ հրամայէ և զանց առնել զհեթանոսական խելագարութեամբն՝ բանդագուշեալ իմաստնոցն ճառիւք, որք զաստուած ոչ կամեցան ճանաչել և պատճառս լինելութեան զհիւղէ ասացին և նիւթ գոյիցս եղելոց» (էջ 1): Աստվածաշնչի այն միտքը, որ Աշխարհացույցի հեղինակը գիտականորեն ժխտել էր, Անանիա Շիրակացին աներկբա կերպով ընդունում է. ես հավատում եմ,— դրել է նա,— որ ջրերը պահվում են անփոփոխ քանակով, աստվածային հրամանով... որովհետև աստվածը ինքն է ասել փակեցի ծովը դարպասներով. «Արդ թէպետև օրինակս հաւանականս տան ար-

³⁶ Քաղվածքները Տիեզերագիտությունից բերված են Ք. Պատկանյանի «Անանիա Շիրակունոյ մնացորդք րանից» գրքից, իսկ Աշխարհացույցից՝ Պատկանյանի հրատարակության («Армянская география VII века», СПб, 1877) հայերեն տեքստից:

տաքինքն, սակայն ինձ ոչ է հաճոյ. քանզի հաւատացեալ եմ թէ հրաման աստուածային է որ ունի զծով միակշիռ արդելեալ, ըստ բանի Սաղմոսին որ ասէ. Սահման եղ որ ոչ անցանէ, և ոչ ևս դառնան ծածկել զերկիր որպէս զառաջինն. քանզի ինքն ասէ Տէր, փակեցի զծով զրամբք» (էջ 42):

2. Երկրի ձևի հարցը

Աշխարհացոյցը պաշտպանում է երկրի գնդաձև լինելու տեսությունը, նրա հեղինակը գտնում է, որ երկիրը պատկերացնելու համար անհրաժեշտ է պատրաստել նրա նմանությամբ մի գունդ: Երկրագնդի կլիմա-գոտիները հասկանալու համար Աշխարհացոյցը հրավիրում է այն դիտել զլուրուսի (գնդականի) վրա, իսկ այդ գնդի տեսքի ու մեծության մասին որոշակի դադափար տալու նպատակով բացատրում է. կթե գունդը մեծ շրջանով բաժանենք, այն կկազմի 180 աստիճան, որը կընդգրկի երկրի բնակեցված ամբողջ տարածությունը. «Յորս նախ առնելի է գտիեղերաց սաորադրութիւնս նմանութեամբ զընդական պատկերին, և ապա ձեւեալ ըստ նորին նմանութեան երկրորդ զնդական աստղականաւ, զկէս շրջանակին մեծի ունելով հարիւր ութսուն բնակութիւն մարդկան» (էջ 2): Այստեղ Աշխարհացոյցը ոչ միայն ընդունում է երկրի գնդաձևությունը, այլև այդ գնդի վրա համապատասխան աստիճանային հաշվարկումներ է կատարում՝ գնդին հատուկ մաթեմատիկական եղանակներով:

Անանիա Շիրակացին գտնում է, որ երկիրը քառակուսի բարձրադիր տափարակ հարթություն է՝ տեղադրված երկնքի կենտրոնում, նա երկնքի պտույտի արագության հետևանքով չի իջնում երկնքի ցածի կիսաշրջանը. ապա հնդինակը կոնկրետացնում է նկարագրությունը՝ այդ երկու հակադիր ուժերի միջնասահմանն ընկնում է երկրի տրամագծի վրա, որի բոլոր չորս կողմերը միմյանց նկատմամբ փոխուղղահայեց են. «Եւ քանզի երկիր չորեքկուսի ի միջոցի երկնի կառուցաւ, ոչ թոյլ տալ սմա երկին իւրով արագութեամբն ի ներքին կիսագունտն խոնարհել. քանզի երկիր իւրով ծանրութեամբն հակէ ի վայր իջանել, և հոգմ իւրով ուժգնութեամբն ջանայ ի վեր բերել զնա. և ոչ ծանրութիւն երկրիս թողացուցանէ ի վեր բերել, և ոչ ուժգնութիւն հոգմոյն թոյլ տայ ի վայր իջանել: Եւ այսպէս զհաւասարակշիռ կետն կալելալ կայ և յերկոցունց հակառակացն զտրամագիծն ունի: Բսկ կայան սորա ի տրամագծի անդ զուգիդ անկինս չորեսեան առ միմեանս հայեցուցանէ, և ի հայել ուղիղ անկեանցն առ տրամագիծսն միջին, դամենայն հարթարտակ զուգամասն զլեռնային և զգաշտային և զծովային յարմարեալ անվնաս պահ է. զի որք ի սայս են՝ անկասկած առցեն զլինելութիւն հրամանաւ արարչին» (էջ 37—38):

Այստեղ ընդօրինակված է երկրի տափարակ լինելու հնադարյան այն տեսությունը, թե երկրագունդը մի հարթություն է, իսկ նրա վրա առկա լեռները միջոց են երկիրը թեքվելուց պաշտպանելու՝ նրան միշտ հավասարակշիռ դիրք հաղորդելու նպատակով³⁷: Անվիճելի է նաև, որ «չորս կողմերը միմյանց նկատմամբ ուղղահայեց» են լինում միայն ուղղանկյան դեպքում, ինչպէս որ պատկերել էր երկիրը Կոդմաս Հնդկաշուն:

Շիրակացին տեղյակ է պահել ընթերցողին նաև «չար» փիլիսոփաների, այսինքն՝ հունական անտիկ շրջանի դիտնականների ասածներին. նրանց օրի-

³⁷ См. И. Ю. Крачковский. Избранные сочинения, т. IV. М., 1957, էջ 20 և 41.

նակը փշած եղան փուշիկն է,— գրել է նա,— որի մեջ ձգում են բոլորովին կլոր կորեկի խոշոր հատիկը և նա պատերին շհասած կախվում է մեջտեղում, օդի մեջ. «օրինակ առնուն զփամփուշտ արջառոյ, փշին և ընկենուն ի նա հատ կորեկի մեծի որ լինի բոլոր ամենևին, և յոչինչ հասանելով ի միջին կառչի»³⁰։ Ապա Շիրակացին հայտնում է. «Սակայն ես համաձայն չեմ դրանց հետ»։ Այստեղ ևս մերժված է երկրի գնդաձև լինելը. Շիրակացին ձվի օրինակը բերելիս ոչ թե երկրի գնդաձևությունն է ընդգծում, այլ պարզապես շեշտում է երկնքի կառուցվածքը, թե ինչպես դեղնուցը շրջապատված է սպիտակուցով ու կճեպով, այնպես էլ երկիրը շրջապատված է օդի, ջրի և հրի շերտով։ Հակառակ տեսակետը պաշտպանելիս պարտավոր ենք հաստատել, որ միջնադարի մտածողների ճնշող մեծամասնությունը, դրանց թվում և եկեղեցին, ընդունել են երկրի դրնդաձևությունը, որովհետև դրանք բոլորը երկրի մասին խոսելիս բերել են ձվի օրինակը։ Սակայն Անանիա Շիրակացին ոչ միայն ընդունել է երկիրը որպես հարթություն, այլև հիմնավորել է այն՝ «գիտնալով սաղմոսից, որ աստված երկիրը հիմնադրեց ծովերի վրա» (էջ 38)։ Շիրակացին պարզել է նաև, թե այդ ինչպես է, որ «երկիրը իր ծանրությամբ կարող է մնալ ջրի երեսին և չսուզվել» (էջ 39)։ Այդ կասկածանքը Շիրակացին փարատել է սաղմոսում ասված այն խոսքով թե՛ «Ես կհիմնադրեմ նրա սյունները» (էջ 39)։ Այս նկատի ունենալով է, որ Շիրակացին բացատրել է նաև երկրաշարժի պատճառները, թե՛ «տեղաշարժում է երկիրը նրա տեղագիրքից ու նրա սյունները ցնցվում են» (էջ 40)։

3. Արեգակի, երկրի և լուսնի համեմատական մեծության հարցը

Աշխարհացույցի հեղինակը արևի ու երկրագնդի համեմատական մեծության առթիվ հանգել է այն տեսակետին, որ արևը առավել փոքր է երկրագնդից և հավասար նրա երկու կլիմա-գոտուն և ընդգրկում է երկրի միայն 40 աստիճան տարածությունը. «Վասն որոյ ասացին զարեգակն շատ փոքրագոյն քան զերկիրս զայս լինել. քանզի վեցերորդ, կամ երրորդ, լինել չափ արեգական, զերկուս նահանգսն ասելով բովանդակութիւն արեգական, այս ինքն է օթևանս քառասուն» (էջ 4)։

Անանիա Շիրակացին արևի ու երկրագնդի համեմատական մեծության առթիվ գտնում է, որ լուսինը իր չափերով հավասար է երկրի մեծությանը, իսկ արևը, Սուրբ գրքի վկայությամբ, առավել մեծ է լուսնից։ Անգամ դիտումներից կարող ենք նկատել, որ արևը մեծ է լուսնից, գրում է նա. «Եւ յայսմ ամենայն է յայտ է թէ մեծ է արեգակն, ըստ աստուածային գրոց վկայութեան, որում և արտաքնոցն բարեաց ի ճահ պատահեն վկայութիւնք։ Քանզի ասեն, թէ մեծութիւն լուսնոյ է ըստ չափոյ երկրի. և արեգակունն առաւել է քան զնա՝ ըստ աստուածային գրոց զի թէպէտ և ասաց երկոցունց մեծամեծս, և սակայն ի համեմատութենէն ասէ լուսաւոր մեծ, և լուսաւոր փոքր» (էջ 60)։ Եթե Աշխարհացույցն իսկապես պատկաներ Անանիա Շիրակացու գրչին, ապա այսպիսի ըսկըղբունքային խնդիրներում չէին կարող պաշտպանվել միմյանց միանգամայն հակառակ տեսակետներ. տիեզերագիտական բոլոր դրույթները, որոնք աներկբայորեն ժխտված են «Տիեզերագիտություն» աշխատության մեջ, պաշտպանվում են Աշխարհացույցի հեղինակի կողմից։

³⁰ Ա ն ա ն ի ա Շ ի ր ա կ ա ց ի, Տիեզերագիտություն և Տոմար, Երևան, 1940, էջ 11։

4. Արեգակի ջերմության ազդյունի հարցը

Աշխարհացույցի հեղինակը պաշտպանում է այն տեսակետը, որ արևը իր սեփական լույսն ու տաքությունն ունի, որոնք չի ստանում ոչ այսպես կոչվող կրակի գոտուց, և ոչ էլ որևէ այլ տեղից: Նրա կարծիքով երկրագնդի այրեցյալ գոտին առաջացել է արևից, նրա կրակյա բարակ ճառագայթների հոսքից. «յուրմէ ըստ հեղման շողոյն նրբացեալ բորբոքովեան՝ ասացին դայրեցական գոտին» (էջ 4):

Անանիա Շիրակացին գտնում է, որ արևն իր բնույթով սառն է, նա տաքություն և լույս է ընդունում կրակի գոտուց (որ հասնում է նրան 13 օրվա ընթացքում) և ցած է ուղարկում դեպի օդ, լուսավորելով և տաքացնելով երկիրը. «Այնչափ միայն գիտացին պնա (Արեգակը — Մ. Ն.) թէ է տարր սեղմ, մաքուր, զնդաձե, բոլոր ամենեին անզեղ և անսպի. ինքն է ցուրտ բնութիւն և զջերմութիւն և զլուսավորութիւն առեալ յարփուլն՝ հեղու յօղս, որով լուսաւորի և ջեռնու երկիր» (էջ 54): Ապա հեղինակը ճշտում է. «շիջանի այրեցանողն, ունի զարփին թռուցեալ և զմանրաստեղս, ուստի յայսմ լուսաւորի արեգակն, զնալով երեքտասան աւուրս ընդ նա և ապա ամենայն լուսաւորքն յարեգականէն առողանին» (էջ 66):

5. Պոլի ու ցամաքի փոխհարաբերության հարցը

Աշխարհացույցի հեղինակը հաստատում է, որ օվկիանոսը չի շրջափակում երկիրը, այլ գտնվում է նրա հյուսիս-արևմտյան անկյունում. այդ օվկիանոսի կեսը տարածված է արևելք՝ հյուսիսից, իսկ մյուսը դեպի հարավ՝ արևմուտքից և նրա երեք քառորդ մասն է ընդգրկում. «Ոչ ասեն շուրջ լինել զօվկիանոս, այլ ի մի կողմանէ յանկեան հիւսիսոյ-յարեմտից, և տարածի ընդ հիւսիսի յարեւս կոյս յերկուց մասունցն մասն մի ընդ արեւմուտս. ի հարաւակոյս ի շորից մասանցն երեք մասունք» (էջ 4): Աշխարհացույցի հեղինակը կոնտինենտալ տեսությունն է հարում, նա գտնում է, որ երեք խոշոր ծովերը (Հնդկական, Հունական և Կասպիական) շրջապատված են բնակեցված ցամաքներով. «Եւ դերից ծովուցն մեծամեծաց զՀնդկայնոյն ասեմ և զՅունականն, և զԿասբիականն՝ որ է Վրկանին ծով, և երկիր բնակութիւն մարդկան ասէ շուրջ լինել զնոքօք, և է ճշմարիտ» (էջ 4):

Անանիա Շիրակացին ծովի գրաված տարածության հարցի մասին հակառակ համոզմանն է, նա գտնում է, որ երկիրը շրջապատված է հսկա ծովով, որը տարածված է երկրի բոլոր կողմերում՝ արևելքում և արևմուտքում, հյուսիսում և հարավում, առաջացնելով ծոցեր ու խորշեր երկրի շրջա կողմերում. «Եւ զծովըն մեծ դայն շուրջ պատեալ զաշխարհովս ասացին, և ի բազում տեղիս և կողմանս յարեւս և յարեւմուտս. ի հիւսիսի և ի հարսւ և ի զոգս և ի խորշս դիմեալ ծովացեալ և անջրպետ կղզիք մնացեալք ի շորեսին կողմանս յոր բնակին բազում աշխարհք» (էջ 51): Ջրերի նման տեղաբաշխումը Անանիա Շիրակացին նույնպես աստվածային կամքին է վերագրել, որովհետև «Այստեղից պետք է եզրակացնել, որ նա է (աստվածը) հաստատել որոշակի սահմաններ ծովածոցերի համար, որոնք գոյություն ունեն երկրի բոլոր ծայրամասերում» (էջ 41):

6. Կասպից և Մեռյալ ծովերի հարցը

Աշխարհացույցը գտնում է, որ ոչ միայն Հյուրկանիան և Կասպիցը առանձին ծովեր չեն, այլ առանձին ծովեր չեն նաև Ասիալդեսն ու Սերբինիդիսը (էջ 14):

Շիրակացին Ասպիսն ու Հյուրկանիան տարբեր ծովեր է համարում, նա այն տեսակետին է, որ Հյուրկանիան և նրան համընկեր, այսպես կոչվող Ասպիսը հիմնական ծովից բաժանված են դգալի տարածությունում. «Քէպէտ և ասեն ոմանք զծովէն որ անուանեալ կոչի Հիւրկանիա, և զնորուն ընկեր է որ կոչի Ասպիս, եթէ զատեալ մեկնեալ են ի բուն ծովէն» (էջ 41):

Հյուրկանիա և Ասպիս երկու տարբեր ջրավազանների մասին ակադ. Մանանդյանի կողմից նշած այս հակասության առթիվ Ա. Աբրահամյանը գրում է, որ երկրորդ անունն ընդմիջարկություն է հետագա զրիչների կողմից³⁹: Բայց խնդիրը այն է, որ ջրային միեկունյն ավազանի ևրկրորդ անվան սխալը գալիս է վաղ անցյալից: Բարսեղ Կեսարացին, ընդօրինակելով Արիստոտելին, ընդունել է, որ Հյուրկանիան և Կասպիականը տարբեր ծովեր են: Այն ժամանակի աշխարհագրական գիտելիքների նման մակարդակը թերևս բացատրելի էր, բայց VII դարում, երբ առկա էին էրատոսթենեսի և Պտղոմեոսի աշխատություններն ու հռոմեական Աշխարհաբարտեղը, Տիեզերագիտության հեղինակի կարծիքը Կասպից ծովի մասին, անշուշտ, որակում է նրա թույլ գիտելիքները աշխարհագրության բնագավառում: Սակայն Տիեզերագիտության մեջ աշխարհագրական տեղեկությունների այդպիսի օրինակները եղակի չեն: Հրեաստանի տերիտորիան նկարագրելիս Աշխարհացույցը հիշատակել է նաև Մեռյալ ծովի մասին (էջ 21), բայց Տիեզերագիտության հեղինակի կարծիքով այն դարձյալ երկու ծովակ է, որոնցից առաջինը Աոփալդեսն է, որ մոտ է Հրեաստան աշխարհին, իսկ երկրորդը Սերբինիդեսն է, որ գտնվում է Եգիպտոսի և Պաղեստինի միջև ու տարածվում է մինչև արաբացոց աշխարհ. «Սակայն ոչ է պարտ զծովական ծովս կոչել ոչ զԱսիալդէս ծովակ որ մօտ յաշխարհն Հրէաստանի է, և ոչ զՍերբինիդիս ծովակ, որ է ընդ Եգիպտոս և ընդ Պաղեստին, է ի միջի, և գայ հասանէ յաշխարհն Արաբացոց» (էջ 41): Այդ երկու անունները, ինչպես հայտնի է, Մեռյալ ծովին տարբեր ժամանակներում տրված անուններն են⁴⁰, որ Անանիա Շիրակացին դարձյալ ընդունել է որպես երկու առանձին ծովեր՝ անձանոթ լինելով աշխարհագրության ժամանակակից հարցերին:

7. Տարվա եղանակների և կլիմայային գոտիների հարցը

Աշխարհացույցը տարվա եղանակների փոփոխությունները համարում է աշխարհագրական լայնության և արևի ճառագայթների անկման անկյան տարբերությունների հետևանք, որովհետև նրա հեղինակը երկիրն ընդունել է որպես գունդ: Այդ հիմունքով Աշխարհացույցը երկրագնդի բնակեցված մակերեսը զուգահեռականներով բաժանել է յոթ կլիմաների, այդ վայրերում ամառվա

³⁹ Տե՛ս Ա. Աբրահամյան, Խորենացուն վերաբերող «Աշխարհացույցի» հեղինակի հարցի շուրջը, Երևան, 1940, էջ 71:

⁴⁰ Տե՛ս՝ Д ж. Т о м с о н, История древней географии, М., 1953, էջ 250:

ամենակարգ օրվա տեղումն ունենալու հիման վրա նշելով դրանցից յուրաքանչյուրի աշխարհագրական լայնությունը:

Շիրակացին ոչ թե երկիրն է բաժանում դոտինների, այլ երկնային սֆերան, որովհետև երկիրը հարթություն է համարում, իսկ երկինքը՝ սֆերա: Տարվա եղանակների փոփոխումը նա բացատրում է հետևյալ կերպ. որովհետև ամռանը արևը երկար ժամերի ընթացքում է անցնում օդով, ուստի այդ երկարատև ժամանակաընթացքում վառում և շորացնում է երկիրը. «Եւ յետ այսորիկ սկսանի մօտել արեղակն ի փոփոխմունս ամառայնոյ և երևեցուցանէ զգնացս իւր ի կողմանս հիւսիսոյ, ձգել և երկայնացուցանել զտիւս: Եւ քանզի յամրագնաց ժամօր անցանէ զօդովք երկարածիզ գնացիւք. ջեռուցանէ ի վերայ երկրի զօդս, և ծծէ ի ներքոյ զխոնաւութիւն, երկրի» (էջ 57): Ամռան արևի երկարատև շարժման այդ տեսությունը հենվում է Կոստանդին Անտիոքացու այն պարզունակ ենթադրության վրա, թե հարթ երկրի հյուսիսային մասում գոյություն ունի մի կոնաձև բարձր լեռ, որի շուրջը կանոնավոր կերպով շարժվում են արևն ու լուսինը և դրա հետևանքով առաջանում են գիշեր և ցերեկ: Այդ տեսության համաձայն, ամռանը արևը հորիզոնից բարձր է լինում, ուստի և հիշյալ լեռան սուր ծայրի հատվածով անցնելիս համեմատաբար կարճ ժամանակով է ծածկվում, որի հետևանքով և գիշերը կարճ է լինում, մինչդեռ ձմռանը արևը հորիզոնին մոտ է լինում և անցնում է նույն լեռան ստորոտային մասով, որը անհամեմատ լայն է, ուստի և գիշերները երկարում են:

8. Անկյանի ծովի մասին

Աստվածաշնչում ասված է, որ ցամաքների վրա գոյություն ունեցող ծովերից բացի ամբողջ ցամաքը շրջապատված է արտաքին անկյանք ծովով: Աշխարհացույցի հեղինակը, ի վիճակի չլինելով պնդել ծովի առկայությունը անծանոթ երկրի շուրջ կամ ցամաքինը՝ անծանոթ ծովի շուրջ, նկարագրում է միայն այն, ինչ որ մարդու աչքը տեսել է և որի վրա մարդը ոտք է դրել. «Եւ այց թէ և է զանծանօթ երկրաւ ծով, կամ շուրջ զանծանօթ ծովու երկիր, մեք որպես անհաս եղեալ մեծութեան՝ լեւմք, և զրեմք զայս միայն զոր կոխեաց ոտն կամ ետես ակն մարդոյ» (էջ 5):

Անանիա Շիրակացին համամիտ է Աստվածաշնչին և գտնում է, որ երկիրը շրջապատող ծովն անմարդաբնակ է ու անսահմանափակ, որովհետև նրա շուրջ գոյություն չունի ոչ երկիր և ոչ էլ այլ բան, որ արևը նրա վրայով չի անցնում, որովհետև ծագում է և մայր մտնում եզրերով, երկրի մոտ. «Իսկ ի ծովուն, որ շուրջ պատին զերկրաւ, ոչ գոն ի նմա կենդանիք, և ոչ եղր սպառուածի, քանզի ոչ երկիր և ոչ այլ ինչ կա զնովաւ, և ոչ արեղակն անցանէ զնովաւ, այլ ընդ եզր նորա առ երկրաւ մտանէ և ելանէ» (էջ 40):

9. Երկնային սֆերայի կառուցվածքի հարցը

Աշխարհացույցի հեղինակը գտնում է, որ կիսագնդերի հարավային տարածությունը որոշ չափով փոքր է՝ սֆերան ավելի նեղ լինելու հետևանքով. «Քանզի ի նմա ասացին փոքրագոյն զծագրեալ վասն անձուկ գոյոյ բոլորակին և զգէմսն նմանապես նորին ի հարավային եզրն, զոր կոչեն ցամաքեալ» (էջ 4): Նրա կարծիքով հյուսիսային և հարավային սֆերաները միմյանց հավասար չեն, հարավային կիսասֆերան հյուսիսայինից փոքր է, սեղմված է:

Ըստ Անանիա Շիրակացու, երկնային սֆերան բաժանված է երկու կիսա-դնդերի, որոնցից մեկը գտնվում է վերևում, իսկ մյուսը նայում է ցած. երկուսի արտաքին մակերևույթները հավասար են միմյանց և վերին ու ներքին կիսա-սֆերաների տրամագծերը ճշգրտորեն համընկնում են. «Քանզի ըստ ձեռյ բուն երկնի և սա շրջագայ անդադար ի նմանէ հարկաւորեալ և ձև բոլոր շրջագային բաժանի յերկուս կիսագունտս, զի իցէ մին ի վերոյ, և ի միւսն հայեացի ի ներքոյ և հայեցուած երկուց կիսագնտիցն հանդիպութեամբ կշիռ ուղիղ ի վերին և ի ներքին տրամագիծս» (էջ 36): Այս հարցում ևս Անանիա Շիրակացին բացահայտորեն ժխտում է Աշխարհացույցի աստղաբաշխական ու աշխարհագրական տեսակետները:

10. Երկնքի հյուսիսային բևեռի հարցը

Աշխարհացույցի հեղինակը գտնում է, որ այրեցյալ գոտում Զոդիակի համաստեղությունները ծագում և մայր են մտնում, մինչդեռ Փոքր Արջը երևում է միայն հյուսիսային կողմում և օրվա ընթացքում պտույտ է գործում միայն մեկ և կես աստիճանի սահմանում, որովհետև գտնվում է երկնքի վերին բևեռում. «Քանզի որ ի վերայ այրեցածին բերին կենդանատեսակքն, մտանեն և ծագեն, բայց փոքր արջն գեր ի վերոյ կացեալ լինի երկրի ի հիւսիսային կողմանսն ասպարիզօք հինգ հարիւր և երկու հինգերեկօք» (էջ 1):

Անանիա Շիրակացին ժխտում է Փոքր Արջի՝ բևեռում լինելու հանգամանքը և գտնում է, որ չպետք է կրկնել հեթանոս այն փիլիսոփաների արտառուց խոսքերը, որոնք երկնքի բևեռ են համարում այն աստղերը, որոնք պտտվում են տեղում, չեն ծագում արևելքում և մայր չեն մտնում արևմուտքում. «Աստեղացող որ կոչեն բևեռս երկնից որ ի տեղն գաս շուրջ և ոչ ծագեն յարևելից և գաս ի մուտս և սայլք աստեղացող՝ որք դէմ ընդդէմ ղօրէն անուոյ հոլովին, և այլ խումբքն՝ որ շուրջ զնոքօք են, մշտագայ երևամբ շրջագայանան՝ ոչ երկրորդեցից զանհամոցն ճառս, զի յոլովս ասել զսուտն՝ ձանձրոյթ ձեզ լինի» (էջ 48):

11. Հակառակասության հարցը

Աշխարհացույցի հեղինակը այն կարծիքին է, որ 17° լայնությունից հարավ և 63° լայնությունից հյուսիս, ինչպես նաև Իսպանիայի ամենաարևմտյան ծայրից և արևելքի Սինացոց աշխարհից այն կողմերը անծանոթ երկիր է. որ ոչ ոք չի տեսել և չգիտե, թե դա բնակված է թե անբնակ. «Ի ծայրէ Իսպանիա աշխարհին մինչև յարևելս յեզր Սինացուց աշխարհին անծանոթ երկրի մասունս հարիւր ութսուն: Սոյնպիս և լայնութեան սկիզբն արարեալ յայրեալ գոտւոյն չափեալ զհիւսիսի զանծանօթ ծով և երկիր՝ մասունս վաթսունևերիս: Եւ դարձեալ յայրեալ գոտւոյն ի հարաւակոյս չափեալ յանծանօթ երկիր՝ մասունս ևւթնևտասան, որպէս՝ զի լինել ամենայն լայնութեանն մասունս ութսուն: Եւ առաւել յարտաքս կոյս քան զայս չէ ուրուք զեզր երկրի տեսեալ և կամ գիտացեալ» (էջ 2—3):

Անանիա Շիրակացին շարադրելով հեթանոս փիլիսոփաների հայացքները այն մասին, որ ընդդիմատունք հատվածում գոյություն ունեն բնակիչներ, գտնում է, որ նրանց ասածը մեծ անմտություն է, եթե ոչ մեղսագործություն, չխոսելով այն մասին, որ դա հակառակ է Սուրբ գրքի ասածներին. մենք պարտավոր ենք հավատալ մեծ ուսուցչին և նրա նման աստվածային մարդկանց, և

ոչ թե հեթանոս փրկիստությաներին. «Ասեն արտաքինքն դրնակութիւն կենդանեաց աստի և անտի, ևթէ դոն ի ներքոյ երկրի մարդիկ և այլ կենդանիք որք ընդդիմատունք են մեզ, որպէս ճանճր զխնձորով պատեալ, նույնպես մարդիկ զերկրաւ, և յամառեալ պնդին ասելով. ևթէ ոչ էին ընդդիմատունք ում արդեօք արեգակն տայր լոյս դէտ օրն յորժամ ստուերան զմեզ զիշերացուցանէ... Այս են անմտութիւնք մեծ և ավելի թուին ինձ ի սոցանէ ասացեալքն, թողում ասել զյանդիմանութիւնն որ յաստուածային զրոց: ...Արդ պարտիմք հալատալ մեծի վարդապետին, և նորուն նմանեաց արանց աստուածայնոց, և ոչ արտաքնոց» (էջ 39—40)⁴¹:

Գոյութիւն ունեն ռըիշ երկու փաստեր ևս, որ հաստատում են այն տեսակետը, թե Անանիա Շիրակացին չէր կարող Աշխարհացուցի հեղինակը լինել: Իտալիան նկարագրելիս Աշխարհացուցի հեղինակը ընդգծել է, որ «Իտալիան ունի երկու մայրաքաղաք՝ հոյակապ Ռափիննա և Մեծ Հոռմ»⁴²: Այդ նշանակում է, որ Աշխարհացուցի գրված է այն ժամանակ, երբ Հոռմը և Ռափիննան միաժամանակ եղել են անկախ մայրաքաղաքներ: Հոռմեական կայսրութեան անկումից հետո Հոռմը շարունակել է մնալ որպէս հոգեոր իշխանութեան մայրաքաղաք: Բյուզանդիան 554 թ. զրափելով Ռափիննան, այն դարձրեց իշխանութեան երկրորդ մայրաքաղաքը, և «առաջին անգամ էքսարխ տիտղոսը գործածական է դառնում Ռափիննայում... զինվորական նահանգապետների ընդարձակ իրավունքներով, որոնք թիշ-քիշ իրենց են ևնթարկում նաև քաղաքական վարչութիւնը»⁴³: VI դարի երկրորդ կեսում մայրաքաղաք Ռափիննայի էքսարխութեանն էին ենթարկվել Վենետիկը, Նեապոլը, Ճենովան ու շրջակա այլ տերիտորիաները: 568 թ. յանգրարդները ներխուժեցին Իտալիա և զրավեցին այն, բյուզանդացիների ձեռքին մնաց միայն Ադրիատիկ ծովի մերձափնյա մի փոքրիկ հատվածը՝ Պո գետի գետաբերանից մինչև Անկոնա: Այսպիսով, Ռափիննան ու Հոռմը որպէս երկու մայրաքաղաքներ գոյութիւն են ունեցել VI դարի վերջերին: Արանով ժխտվում է այն հնարավորութիւնը, որ Աշխարհացուցի գրված լինի Անանիա Շիրակացու կողմից, որն ապրել է VII դարում: Աշխարհացուցի հեղինակը Այրարատում թվում է «ոստանն դրնայ մինչև ցղաշան Շարուր»: Արցախի շարադրանքում նա հիշատակում է «Սիսական ոստանն», իսկ Աղվանքի գավառները թվարկելիս՝ «ոստանն ի մարծպան»: Այս տեղեկութիւնները որոշակի կույան են մեզ հետաքրքրող խնդիրը պարզարանելու համար: Հնում ոստանը եղել է թաղավորանիստ, իշխանանիստ մայրաքաղաք: Աշխարհացուցի «ոստան ի մարծպան» արտահայտութիւնը պրոֆ. Ք. Պատկանյանը մեկնարանել է որպէս «մարդպանի մայրաքաղաք, նրա շրջանը»: Այստեղից պետք է եզրակացնել, որ Աշխարհացուցի գրված է մարդպանական ժամանակաշրջանում, որը տեւել է մինչև VI դարի վերջերը, բայց ոչ ուշ, քան Հերակլի արշավանքները, որովհետեւ 622 թ. «Հերակլը հարյուրքսան

⁴¹ Տարօրինակ է, որ Հաննիբով շրջապատված խնձորի այս օրինակը Ա. Աբրահամյանը վերագրում է... Շիրակացուն և զրա հիման վրա պնդում, թե Շիրակացին ընդունում է երկրի գնդաձեռութիւնը (տե՛ս Ա. Աբրահամյան, Խորենացուն վերագրվող «Աշխարհացուցի» հեղինակի հարցի շուրջը, Երևան, 1940, էջ 69—70):

⁴² «Армянская география VII века», էջ 9:

⁴³ Հ. Գեղեք, Համառոտութիւն բյուզանդական կայսրների պատմութեան, թարգմ. Տ. Մովսիսյանի, Վաղարշապատ, 1901, էջ 103:

հազար զորքով հարձակվեց Պարսկաստանի վրա և իջնելով Կարին քաղաքը, զրավեց նախ Այրարատի 'Րվինը, ավերելով այն, և նախճավանք»⁴⁴։

Արդյոք վերահիշյալ տվյալների ամբողջությունը բավական չէ՞ ապացույցելու համար, որ Աշխարհացույցը դրված է եղել 570 և 622 թթ. միջև ընկած ժամանակահատվածում, այսինքն այն ժամանակ, երբ Տիեզերագիտության հեղինակ Շիրակացին (610—685 թթ.) 10—12 տարեկան էր և զիտական աշխատության հեղինակ լինել չէր կարող։

* * *

Վերևում շարադրվածի հիման վրա մենք հանդում ենք հետևյալ եզրակացություններին.

1. Աշխարհացույցը աշխարհի ինքնուրույն մի քարտեզ է եղել, որ չի պահպանվել։ Մեզ հասած տեքստը այդ քարտեզի բացատրադիրն է։
2. Աշխարհացույցի հեղինակը Պտղոմեոսի քարտեզներից չի օգտվել, իսկ նրա աշխատությունների հետ ծանոթացել է համառոտադրված տեքստի միջոցով։
3. Աշխարհացույցի և Տիեզերագիտության հեղինակները սկզբունքային հարցերում հակադիր հայացքներ պաշտպանող տարրեր անձնավորություններ չեն։
4. Բացառված չէ, որ Աշխարհացույցը դրված է եղել 570 և 622 թթ. միջև ընկած տարիներին։

ОБ «АШХАРАЦУЙЦЕ» VII ВЕКА

М. М. ХАЧАТРЯН

(Р е з ю м е)

«Ашхарацуйц» (Армянская география VII в.) является оригинальным картографическим произведением, в котором применены классические традиции греческой и римской школы: в целях изображения земной поверхности использована картографическая проекция, внесена система параллелей—климатов, применены сфрагиды по размежеванию территорий, стран и материков. Географические сведения Птолемея, Эратосфена, Страбона и других использованы путем детального обновления, критического разбора и поясняющих замечаний.

Исследователи «Ашхарацуйца» не замечали его картографической направленности и, основываясь лишь на идентичности изложения географических описаний, считали его переводом географии Клавдия Птолемея.

⁴⁴ Ք ո վ մ ա Ա Ր ժ Ր ո Ն Ի, Պատմություն տան Արժրունեաց, Թիֆլիս, 1917, էջ 159։

Детальное картографическое исследование «Космографии» Анания Ширакани и «Ашхарацуйца» подтверждает, что указанные произведения не могли принадлежать одному автору, т. к. ряд принципиальных вопросов, в том числе вопросы космографии и картографии, изложен в них с противоположных, взаимно исключающих позиций.